

Wahnsinnig

Text: Mike Kremer

Dann, wann et Levve bes nohm Himmel stink,
süht mer drusse, wie d'r Possmann wink
hä stopp 'ne Breef en minge Breefkaste 'ren
wä schriev mer dann jetz, dat kann nix Jodes sin
ich kräht 'ne Schlag, jo sag ens, es dat 'ne Wetz
se wolle der Föhriersching han, denn ich woodt aach mol jebletz

Am nächste Dag direk zum Amp jelatsch
am Schalter waade, denn et woodt jetratsch
en Stund späder wor ich endlich dran
“Leeve Jung, Se müsse su e Märkche han”
su stundt ich noch ens widder janz hingen aan,
un die Schlang wor meddlerweil 'ne Kilometer lang

Dat mäht mich wahnsinnig
Ich bruch jetz 'ne Schabau
Saht, wat läuf en üürem Kopp
Ehr maht mich einfach nur beklopp
Vun däm Jeschwätz
krig ich et met däm Hätz

Wä sich beschwere well, em Korridor C
jitt et em Zimmer nüng dä Präfsching B
dä weed met Ungerschreff un jäje Jebühr
eets ens jeprüf he nevena an en d'r Dür
doch dä Kolleg es et meddags zo Hus
un noh singer Paus, do mäht hä miestens ald Schluss

Wie es dat möglich, jo, wie kann dat sin?
Wo muss ich met dem blöde Breef dann jetz hin?
Mer kann nit luure, dä Computer hänk
ich verzäll leever nit, an wat ich jrad esu denk
krig' vun dem janze Dress he su en Krawatt
un 'ne Puls von 1080, ben et wirklich jetz satt

“Etag: 2: Gewerbeanmeldung und Gartenartikel”,
Momang, wat soll ich dann he? Han ich dä verkehte Knopp jedrück, oder wat? Wat steht
do? Nä, nä, nä!

“Etag 7: Steuern, Gebühren und Schmiergelder”,
Schmierjelder? Do kriss de Botz nit zo! Dat kann doch nit wohr sin! Es dat ene Dress he!

“Etag 14: Damenunterwäsche”,
Ich well doch nur minge Breef... Ich krig' Herpes!